



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/25-2-40-005-2/21**
Datum: **11.01.2021. god.**

„Agencija za vodno područje rijeke Save“ Sarajevo, rješavajući po službenom zahtjevu «Agencije za vodno područje rijeke Save» Sarajevo (u daljem tekstu AVP Sava), „Sektor za upravljanje vodama“ AVP Sava, u postupku izdavanja vodne saglasnosti za sanaciju parapetnog zida uz rijeku Savu na potezu Grebnice – Bazik, na području Srednje Posavine, općina Domaljevac - Šamac, na osnovu člana 109. stav (1) tačka 8. Zakona o vodama („Službene novine Federacije BiH“, broj 70/06), i člana 200. stav (1) Zakona o upravnom postupku („Službene novine Federacije BiH“ broj 2/98, 48/99), **donosi**

RJEŠENJE **o vodnoj saglasnosti**

1. Investitoru AVP Sava „Sektor za upravljanje vodama“ AVP Sava daje se vodna saglasnost za sanaciju parapetnog zida uz rijeku Savu na potezu Grebnice – Bazik, na području Srednje Posavine, općina Domaljevac - Šamac, u dužini od oko 1400 m kao dijela sistema zaštite od velikih voda prema projektnoj dokumentaciji:
 - „Glavni projekat sanacije parapetnog zida na potezu Grebnice – Bazik na području Srednje Posavine“, urađen od strane Higrakon d.o.o. Sarajevo, septembar 2020. godine.
2. Vodna saglasnost se donosi na osnovu utvrđenog činjeničnog stanja i pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Vodna saglasnost se donosi pod slijedećim uslovima:
 - 3.1. Radove na sanaciji parapetnog zida na potezu Grebnice – Bazik, izvesti u skladu sa ovjerenim Glavnim projektom iz tačke 1. dispozitiva ovog rješenja.
 - 3.2. Izvođenje radova vršiti na način utvrđen u opisu tehničkog rješenja i tehničkih uslova izvođenja iz projektne dokumentacije, te uslovima iz ove vodne saglasnosti.
 - 3.3. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.4. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
 - 3.5. U okviru gradilišta riješiti prikupljanje i konačnu dispoziciju sanitarno-fekalnih otpadnih voda na način da se iste prikupe u vododržive posude/rezervoare i izvezu izvan zona izvođenja radova uz ugovor sa nadležnim komunalnim preduzećem.
 - 3.6. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda u skladu sa važećim propisima o postupanju sa otpadom.
 - 3.7. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.8. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem planiranih aktivnosti na terenu u skladu sa ovjerenim Glavnim projektom i uslovima iz ovog rješenja.
 - 3.9. U slučaju vanrednih situacija, havarijskih onečišćenja i drugih sličnih okolnosti koje bi ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.

- 3.10. Sve kolizije sa postojećim infrastrukturnim objektima (saobraćajnicama, instalacijama vodovoda i kanalizacije, elektro i sl.), na lokalitetu na kojem će se vršiti radovi na sanaciji parapetnog zida na potezu Grebnice – Bazik, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Korisnik vodne saglasnosti je dužan da rješi imovinsko pravne odnose na lokalitetu izvođenja radova, formiranja privremenih gradilišta, pristupnim putevima i prostorima koje će koristiti u toku izvođenja radova.
 5. Uslov za početak izvođenja radova koji su obuhvaćeni ovom vodnom saglasnošću je pribavljanje pravosnažne građevinske dozvole.
 6. Ukoliko se izvođenjem radova na sanaciji parapetnog zida na potezu Grebnice – Bazik ili drugim aktivnostima vezanim za predmetne radove prouzrokuju štete i naruši stabilnost korita, postojećih zaštitnih objekata i obala vodotoka ili nanese šteta trećim licima, izvođač je obavezan uzroke nastanka štetnih promjena otkloniti, a nastale štete nadoknaditi.
 7. Po završenim radovima, potrebno je izvršiti ravnanje terena i uređenje pojasa u kome su vršeni radovi, te lokalitet očistiti od gradilišnih objekata, mehanizacije i gradilišnog otpada, a postojeće pristupne puteve koji su se koristili tokom gradnje dovesti u prvobitno stanje.
 8. Vodna saglasnost prestaje da važi istekom roka od dvije godine od dana njenog izdavanja ukoliko do tog dana ne bude potpisan Ugovor i ne započne izvođenje predmetnih radova.
 9. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor AVP Sava, „Sektor za upravljanje vodama“ je 07.01.2020. godine podnio zahtjev za izdavanje vodne saglasnosti na revidovanu projektnu dokumentaciju za aktivnosti na sanaciji parapetnog zida uz rijeku Savu, na potezu Grebnice – Bazik, na području Srednje Posavine, u dužini od oko 1400 m, općina Domaljevac – Šamac.

Uz zahtjev je dostavljena i pregledana slijedeća dokumentacija:

- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012 godine,
- Rješenje o urbanističkoj saglasnosti broj: 03-19-313/20 od 30.12.2020. godine doneseno od Službe za pravne poslove, urbanizam i katastar Općine Domaljevac-Šamac,
- Kopija Rješenja o prethodnoj vodnoj saglasnosti UP-I/25-1-40-116-3/20 od 30.03.2020. godine donesenog od strane «Agencije za vodno područje rijeke Save» Sarajevo.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U provedenom dokaznom postupku koji je prethodio donošenju ovog rješenja utvrđeno je:

Glavni projekat, iz tačke 1. dispozitiva ovog Rješenja, urađen je od strane ovlaštenog pravnog lica koje posjeduje ovlaštenja za izradu projektna dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).

Dostavljeni Glavni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-I/25-1-40-116-3/19 od 30.03.2019. godine. Vodna saglasnost se donosi u skladu sa dostavljenom projektnom dokumentacijom a prema uslovima iz prethodne vodne saglasnosti, kako slijedi:

- Predmetna sanacija parapetnog zida, prema usvojenoj varijanti, predstavlja izgradnju novog armirano betonskog zida ukupne visine cca 3,0m, naslonjenog na postojeći parapetni zid. Postojeći parapetni zid predstavlja jednu stranu oplata novog zida. Niveleta krune zida u odnosu na nivo velikih voda rijeke Save $Q_{1/100}$ je izdignuta za 1,40m.

- Hidrološko-hidrauličke podloge date su kroz projektni zadatak te je korišten podatak o nivou velikih voda rijeke Save povratnog perioda 1/100 godine, definisan Federalnim operativnim planom (FOP-om).
- Provedene su stabilitetne analize za usvojeni normalni profil zida;
- Za potrebe izrade projekta dokumentacije urađene su geodetske podloge i svi geodetski elementi su vezani za državni nivelman i triangulaciju;
- Glavni projekat sadrži preglednu i detaljne situacije sa elementima iskolčenja, razmjere 1:5000 i 1:100. U projektnoj dokumentaciji je priložen uzdužni i poprečni profili u razmjeri 1:100;
- Projektna dokumentacija je revidovana od strane firme Rudarski institut d.d. Tuzla, decembar 2020. godine.

Služba za pravne poslove, urbanizam i katastar Općine Domaljevac-Šamac je dana 30.12.2020. godine izdala rješenje o urbanističkoj saglasnosti za ovu aktivnost, sa uslovima koje treba ispuniti u postupku pribavljanja građevinske dozvole.

Na osnovu utvrđenog činjeničnog stanja, a u cilju smanjenja negativnih uticaja predmetne aktivnosti na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama Zakona o vodama i Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20).

Na osnovu odredbi člana 114. Zakona o vodama, upisivanjem broja i stavljanjem otiska pečata ove Agencije na „Glavni projekat sanacije parapetnog zida na potezu Grebnice – Bazik na području Srednje Posavine“, urađen od strane Higrakon d.o.o. Sarajevo, septembar 2020. godine.

Uzimajući u obzir naprijed navedeno, konstatovano je da, shodno članu 109. stav (1) tačka 8. , a u vezi sa članom 12. stav (1) tačka 2. Zakona o vodama, ne postoje smetnje da se Investitoru - AVP Sava - Sektor za upravljanje vodama, izda tražena vodna saglasnost uz uslove propisane u dispozitivu ovog rješenja.

Uputa o pravnom lijeku:

Protiv ovog rješenja može se uložiti posebna žalba Federalnom ministarstvu poljoprivrede, vodoprivrede i šumarstva Sarajevo u roku od 15 dana od dana prijema ovog rješenja.

Žalba se predaje Agenciji za vodno područje rijeke Save (ul. Hamdije Čemerlića 39.a Sarajevo), neposredno pismeno, usmeno na zapisnik ili preporučeno putem pošte. Žalba se taksira sa 15 KM federalnih taksi po Tar. br. 3. tarife federalnih administrativnih taksi.

Voditelj postupka:

Nihad Pezo, dipl.inž.građ.

Prilog:

Ovjeran „Glavni projekat sanacije parapetnog zida na potezu Grebnice – Bazik na području Srednje Posavine“, urađen od strane Higrakon d.o.o. Sarajevo, septembar 2020. godine.

Po ovlaštenju
Rukovodilac sektora za izdavanje
vodnih akata

Haris Ališehović
Haris Ališehović, dipl.inž.građ.

Dostaviti:

- «Agencija za vodno područje rijeke Save», Sektor 10 (Prilog);
- ⊕ AVP Sava, ISV-vodna knjiga – ovdje;
- Arhiva – ovdje;
- AVP Sava – Oglasna ploča